

國醫初步讀本

沈仲圭題



民國二十三年四月出版
 國醫初步讀本 全一冊
 定價大洋六角

	版 權	
所 有		

著 作 者	編 訂 者	印 刷 者	出 版 者	發 行 者
九江李鈴和	張達熙	校經山房印刷所	校經山房書局	校經山房書局

總發行所上海
四馬路中校經山房書局
 分售者 各省各大書局



南京中医药大学图书馆版权所有

曹序

醫學之書汗牛充棟學者不能一一遍觀然沿流溯源則雖內難二經及傷寒金匱四書大體已備終身用之有不能盡以其精微奧博必於醫學稍有門徑者始可問津非可驟以語初學也九江儒醫李君和鈴有鑒及此乃以其自編藥性賦六經證治及傷寒湯方歌訣等合冊顏曰國醫初步讀本刊以問世俾學者由淺入深得以進窺堂奧法至善也付印以來行將歲事因其門人蕭熙索余一言余才識淺鮮惡足以贊高深但與蕭君以文字知交固辭不獲略書數語以歸之



圖書初步讀本 序文

二

民國二十二年七月曹湘人序於上海紅卍字會醫院

國醫初步讀本目錄

藥性賦

臟象別論

五臟補瀉

六淫主治

六經定法

十二經部位虛實寒熱病由



國醫初步讀本 目錄

國醫初步讀本

李和鈴先生著

蕭熙
張達玉編訂

藥性賦

明醫議藥。厥性宜通。良方任使。甘草多功。生清涼而解毒。熟補氣以和中。益胃調元。黃耆擅美。扶脾燥濕。白朮稱雄。西縮砂散結安胎。驅胃寒而溫脾。可使東波。慈寬中利膈。醒脾氣而助胃。無窮。若夫淮藥補虛而固脫。阿膠潤肺以養營。揀官參專扶陽氣。熟大地峻補陰精。枸杞兔絲。益腎陰而火不失養。故脂益智。兜腎氣而血豈妄行。除太陰之

固冷者乾姜。何虞濕盛風淫而死。去少陰之沉寒者熟附。所謂陽回利止則生。至於紅棗實可扶脾。白蓮原能益胃。清肺熱者二冬。斂肺氣者五味。遠志肉凝心血而堪誇。抱茯神鎮心神而足貴。當歸功同熟地。用以養血和陰。玉竹性近人參。亦能生津補氣。白茯苓伐腎邪而利水。力雖緩而可依。黃精子扶元氣以延年。功實深而無既。更有山茱萸者溫肝足重。固腎堪譽。杜仲補肝經之不足。棗仁治胆怯而有餘。天花粉潤肺生津。除虛煩者必蓄。地骨皮泄肝涼血。治鬱熱者宜儲。狗脊益腎而強肝。不似豬苓之滲泄。牛黃清心而益胆。差同馬勃之輕虛。石斛強陰。治遺精何。

其神也。金櫻祕氣。醫夢便豈有異歟。况乎巴戟大補真精。覆盆能縮小便。蛇床子治陰痿而力偏饒。胡蘆巴煖丹田而功獨擅。肉蓯蓉強筋益髓。都緣補火之能。骨碎補止瀉療虛。亦是技易之選。益母調經活血。崩中帶下用皆靈。蒲公消腫通淋。疔毒乳癰功自見。不見夫首烏添精益血。肉桂補火消陰。厚朴寬中降氣。梔仁泄熱清金。鬱金通經而散逆。柯子潤肺以開音。赤白芍斂氣收陰。癰腫疔瘕並治。金銀花療風散熱。瘡瘍疥癬難侵。誰知補腎補肝。續斷實爲止痛生肌之物。詎料驅風驅熱。秦艽又在榮筋養血之林。治疝舒筋者。練肉。逐瘀散血者。靈脂。祛血中之熱邪者。

紫艸泄血中之伏火者。丹皮。蒼朮。燥濕行痰。冀能辟惡。元胡。活血利氣。實可扶危。威靈仙。善走通經。爲冷痛沉疴之藥。使君子多溫益胃。有除虫利濁之奇。彼夫氣喘胸膨。惟要薤白。能驅也。倘其血瘀舌脹。宜用蒲黃。以逐之。然而紅花。尤治血瘀。而下治。桃仁。更入血室。而散結。京山稜。旣破血中之氣。蓬莪朮。又破氣中之血。蘇木。治血暈而性亦雄。漆渣。破凝血。而功尤烈。山漆。行瘀定痛。獨操化血之權。地榆。治血醫崩。久在驅血之外。又何論大薊。小薊。治前陰而腫可消。槐角。槐花。入大腸而熱能泄。茜艸。獨負活血之名。陵宵。亦襲破血之說也。哉。寒邪塞竅。表用麻黃。營和脉續。

汗過亡陽。桂枝去風邪而解表。荊芥療血之傷風。干葛升胃陽而清熱。柴胡入和解而製方。病屬膀胱。羌活爲理遊風之藥。邪傷腎部。獨活擅逐伏風之長。薄荷本利頭風。止嗽開音。功亦著。防己通行經絡。周身盡痛。力能匡。若夫蒿本治頭巔而止痛。前胡除膈逆而生新。入胃府而開提者。桔梗祛陽明之濕熱者。茵陳蘇葉利肺通心。胸膈痰凝有賴。白芷清風去濕。眉稜骨痛堪玲。貝母微寒。止嗽清虛。足恃。南星大熱。攻堅板腫如神。半夏最治寒嘔。原爲驅痰驅濕之劑。款冬能醫喘喝。更利肺癰肺痿之人。至於川芎散結而通經。廣橘行痰而導滯。杏仁泄肺氣而散寒。竹瀝治

痰迷而開閉。艾葉能回欲絕之元陽。合香實治虛邪之壅蔽。陳香芋除蒸散結。有清心逐暑之能。白朮豆煖胃溫脾。爲去暑消膨之劑。烏藥去胸脾之逆。中風中氣力俱強。黃芩祛濕熱之邪。清胆清肺功甚銳。潤肺而治血痰者。紫苑滋陰而除痔漏者。白薇枳實治結胸而加獨峻。枳殼消痞脹而力稍微。消谷調中者。其惟六神耑。祛風勝濕者。則有五加皮。麥芽助胃寬腸。麵果之潛消有漸。渣肉健脾行氣。腥羶之積聚如揮。旋覆消痞而軟堅。氣結之能除也有以。檳榔行痰而降氣。堅凝之不破者幾希。且夫天麻能治諸風之眩掉。地膚足通小便之淋漓。青蒿退勞熱骨蒸而立。

效。白附祛邪風冷氣而皆宜。括蕒補肺行痰。殊多治嗽生津之益。知母清金潤腎。實解虛燥煩渴之資。千年健壯骨強筋。氣血之調和甚速。九節蒲開胸利竅。聲音之暢發尤奇。又有黃柏滋陰而益腎。青皮散鬱而疏肝。苡仁米補皮經之不足。芡實堅腎氣而無難。大腹乃肺胃驅邪之將。連翹爲心君泄火之官。香附微辛。實利三焦之抑鬱。良姜燥熱多祛入內之沉寒。艸菓能疏夾縫之痰。沉疴悉起。常山慣吐停留之飲。久瘧均安。綠升麻散鬱升陽。帶下崩中皆可治。赤小豆排膿消腫。風邪熱毒豈能干。若乃吳萸小祛腹之沉寒。川椒又治心脾之固冷。茴香補命火而有功。荔

核。利。畢。丸。而。化。倖。澤。瀉。通。淋。利。水。能。滲。腎。部。之。邪。淮。通。泄。肺。清。心。直。達。膀。胱。之。境。車。前。消。瘀。而。止。衄。小。腸。之。邪。熱。能。除。牛。膝。益。腎。而。強。肝。腰。膝。之。疼。痛。立。屏。龍。胆。艸。能。清。肝。火。平。驚。定。癇。於。須。臾。馬。兜。鈴。最。泄。肺。邪。止。嘔。驅。邪。於。俄。頃。青。黛。消。斑。而。散。火。爲。清。濕。熱。之。良。方。黃。連。泄。肺。而。涼。肝。應。作。苦。寒。之。要。領。惟。是。夏。枯。煖。肺。而。寒。亦。見。商。陸。療。水。而。苦。尤。加。細。辛。行。水。於。腎。部。防。己。泄。水。於。風。家。牽。牛。走。精。隧。之。中。治。水。邪。差。同。葶。藶。大。戟。破。癥。瘕。之。積。驅。水。滿。不。異。芫。花。苦。參。實。補。陰。精。亦。能。爲。行。水。之。藥。甘。遂。專。行。功。決。直。達。夫。水。結。之。涯。然。使。中。火。而。結。難。下。不。又。賴。大。將。以。攻。其。城。也。哉。

羣芳入藥。百草成丹。有時資乎燥熱。亦卽賴乎清寒。是故
元參除燥而潤腎。白菊治火以清肝。諸實壯骨明目。充肌
足恃。桑皮清痰泄火。止嗽無難。丹參破宿生新。氣亦從乎
平降。白菓除哮止濁。味厚主乎收澀。枇杷葉最利肺邪。止
渴平嘔皆可倚。鈎鈎籐能除心熱。胎氣客忤盡能安。若夫
牛蒡除風解熱。雞蘇理血醫風。次參清金而補肺。海藻利
膈以寬膈。澤蘭葉利竅通關。爲養血調經之品。山豆根祛
風泄熱。有清咽止痛之能。冰片負透骨之奇香。治痰迷功
應莫及。射干消停脾之老血。療喉閉力本能勝。至於青箱
去翳而平肝。白芥行痰而利氣。淡竹葉能除上膈之煩。甘

松香乃暢中焦之味。乳香伸筋活血。用以托裏護表。肉蔻
上泄瀉腸。尤能驅痰煖胃。洋沒藥破瘡瘍之結滯。生肌定
痛。堪誇海金沙滲濕熱於膀胱。散滿通淋足貴。蒼耳子祛
風發汗。頭巔足膝儘能通。白頭翁養血消瘀。痔漏癰瘻皆
可慰。泄熱而通淋者瞿麥。追膿而板腫者篋麻。扁蓄治熱
淋而除虫餌。藜蘆祛癰症而逐痰邪。石葦足利膀胱之陡
塞。木賊能除翳漲之頻遮。川萆薢去濕去風。利濁分清有
賴。海桐皮通經達絡。溫腰煖膝無差。羚羊角性主清肝。去
障舒筋皆可倚。伏龍肝功專止血。腸瘋癰腫豈能加。且夫
皂角搜風而利竅。烏梅解熱而生津。蜂房爲療癰瘻疽之

用虫蛻乃消風解熱之偏。蚊蛤治嗽而解醒。利便除煩並效。殭虫祛痰而散結。頭風齒痛堪玲。檀香木暢胃祛邪。利膈調脾原有本。桑寄生強筋固腎。追風勝濕更如神。又有草決平肝而益腎。花生歛肺而舒脾。桂心有煖胃消痰之力。樟腦爲通關利滯之司。地丁負性沉寒。腫散行瘀可喜。山甲通經善竄。排膿止痛無疑。人中白止衄消瘀。並治牙疳之炫爛。天竹黃行痰利竅。行療客忤於垂危。芙蓉花清火熱於皮膚。治癰瘡功殊速也。蔓京子逐虛風於頭面。除目赤理亦宜之。更有蓮蕊能醫夢洩。谷精善治肝風。兔屎爲去翳療疳之劑。豨薟有伸筋逐冷之功。土苓甘淡滲邪。